

**В НЕДЕЛЮ СЫРОПУСТНУЮ,
ИЗГНАНИЕ АДАМОВО. БДЕНИЕ ОБЫЧНОЕ.**

**В субботу вечера во светильничное, по предначинательном псалме,
стихословим: Блажен муж: кафисму всю. На Господи воззвах, поставим
стихов 10. И поем Осмогласника воскресны 3, и анатolieвы 3, и Триоди 4,**

Глас 6.

Подобен: Всю отложивше:

Создатель мой Господь, / персть от земли прием мя, / живоносным
дуновением вдушив оживи, / и почте на земли начальствующа видимыми
всеми, и ангелом купножителя. / Сатана же льстивый, / сосуд змия употребив, /
снедию прельсти, и Божия славы разлучи, / и преисподнейшей смерти предаде
в землю: / но яко Владыка и Благоутробен, паки воззови.

Одежды боготканная совлекохся окаянный, / Твое Божественное
повеление преслушав Господи, / советом врага, и смоковым листвием, / и
кожными ризами ныне облекохся: / потом бо осужден бых хлеб трудный
снести: / терние же и волчец мне принести, / земля проклята бысть. / Но в
последняя лета воплотивыйся от Девы, / воззвав мя введи паки в рай.

Раю всечестный, краснейшая доброто, / богозданное селение, веселие
некончаемое и наслаждение, / славо праведных, пророков красото, / и святых
жилище, / шумом листьев твоих Содетеля всех моли, / врата отверсти ми, / яже
преступлением затворих, / и сподобится древа животнаго прияти, / и радости,
еяже прежде в тебе насладихся.

Адам изгнан бысть из рая преслушанием, / и сладости извержен, /
женскими глаголы прельщенный, / и наг седит, села, увы мне, / прямо рыдая. /
Темже потщимся вси время подъяти поста, / послушающе Евангельских
преданий: / да сими благоугодни бывше Христу, / рая жилище паки
восприимем.

Слава, глас 6:

Седе Адам прямо рая, / и свою наготу рыдая плакаше: / увы мне,
прелестию лукавою увещанну бывшу / и окрадену и славы удалену! / Увы мне,
простотою нагу, / ныне же недоуменну! / Но о раю, ктому твоя сладости не
наслаждуся: / ктому не узрю Господа / и Бога моего и Создателя: / в землю бо
пойду, / от неяже и взят бых. / Милостиве щедрый, вопию Ти: / помилуй мя
падшаго.

И ныне, Богородичен гласа.

Свете тихий: Вход. Прокимен: Господь воцарися:

На литии, яко обычно, самогласен святаго обители.

Слава, глас 6:

Солнце лучи скры, / луна со звездами в кровь преложися, / горы ужасошася, / холми вострепеташа, / егда рай заключися. / Исходя Адам рукама бия в лице, глаголаше: / Милостиве, помилуй мя падшаго.

И ныне, Богородичен. Подобен:

Таинственно воспеваем Тя Богородице Марие, / явилася бо еси престол великаго Царя, / сень всевятая, небес ширшая, / херувимская колесница, / вышшая же серафимов, чертог славы: / из Тебе бо пройде воплотивыйся всех Бог. / Того моли спастися душам нашим.

На стиховне, Осмогласника.

Слава, глас 6:

Изгнан бысть Адам из рая снедию, / темже и сидя прямо сего рыдаше, / стень умиленным гласом, и глаголаше: / увы мне, что пострадах окаянный аз: / едину заповедь преступих Владычню, / и благих всяческих лишихся! / Раю святейший, / мене ради насажденный быв, / и Евы ради затворенный, / моли тебе сотворшаго, / и мене создавшаго, / яко да твоих цветов исполнюся! / Темже и к нему Спас: / Моему созданию не хочу погибнути, / но хочу сему спастися, / и в познание истины приити, / яко грядущаго ко Мне / не изгоняю вон.

И ныне, Богородичен :

Творец и Избавитель мой, Пречистая, / Христос Господь, / из Твоих ложесн прошед, / в мя Оболкийся, / первыя клятвы Адама свободи. / Темже Ти, Всечистая, / яко Божии Матери же и Деве воистинну, / вопием немолчно: / радуйся Ангельски, / радуйся, Владычице, / Предстательство и Покрове / и Спасение душ наших.

Ныне отпускаеши: По Трисвятом отпустительный, Богородице Дево: трижды. И прочее последование бдения: рядовому же святому поем на Повечерии.

НА УТРЕНИ,

на Бог Господь, тропарь воскресен дважды, и Богородичен: обычное стихословие. И полиелей, якоже указася в Неделю о блудном сыне. И Благословен еси Господи: Начинаем же чести первую книгу Шестодневца Златоустаго, и степенны гласа.

Всякое дыхание: и утреннее Евангелие. Воскресение Христово: и псалом 50. Слава, глас 8: Покаяния отверзи ми двери: И ныне, подобен, На спасения стези: Таже, глас 6: Помилуй мя Боже: Таже, Множества содеянных мною лютых:

Каноны Осмогласника: воскресен, крестовоскресен, и Богородицы, на 8, и Триоди на 6. Творение Христофора Протосигкрита. Глас 6.

Песнь 1.

Ирмос: Яко по суху пешешествовав Израиль, / по бездне стопами, / гонителя фараона / видя потопляема, / Богу / победную песнь / поим, вопияше.

Гряди душе моя страстная, плачи твоя деяния днесь, поминаючи первое обнажение во Едеме, имже изгнана еси от сладости, и непрестанныя радости.

От многого благоутробия и щедрот, Создателю твари, и Творче всех, от персти оживив мя прежде, заповедал еси пети Тя со ангелы Твоими.

Ради богатства благости, Ты садиши Создателю и Господи, райскую сладость во Едеме, повелевая ми наслаждаться красных и сладких, и немимотекущих плодов.

Слава: Увы мне душе моя окаянная, сущих во Едеме наслаждаться прияла еси власть от Бога, не ясти же ведения плода повелена была еси: вскую преступила еси закон Божий?

И ныне, Богородичен: Богородительнице Дево, яко Адамова дщи по роду, по благодати же Христу Богу родительница, мене изгнанного от Едема, ныне воззови.

Катавасию же поем ирмосы настоящего канона:

Яко по суху пешешествовав Израиль, / по бездне стопами, / гонителя фараона / видя потопляема, / Богу / победную песнь / поим, вопияше.

Песнь 3.

Ирмос: Несть свят, якоже Ты / Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

Змий лъстивый некогда чести моей позавидев, пошепта лестию Еве во уши, от неяже аз прельстився изгнан бых, увы мне, от лика жизни.

Руку простер дерзостно, вкусих древа разумнаго, егоже повеле мне Бог никакоже причаститися, и Божественныя славы отвержен бых горце.

Слава: Увы мне страстная моя душе, како не познала еси прелести? Како не ощутила еси льщения, и зависти вражия? Но помрачилась еси умом, и преступила еси заповедь Создателя твоего.

Богородичен: Упование и покров мой Чистая, обнажение древле покрывшая, едина, падшаго Адама, Рождеством Твоим Чистая, в нетление паки облецы мя.

Катавасия: Несть свят, якоже Ты / Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

Седален, глас 4.

Подобен: Удивися Иосиф:

Изгнан бысть Адам от райския сладости, снедию горькою в невоздержании заповеди не сохрани Владычни, и осудися делати землю, от неяже взят бысть сам: потом же многим ясти хлеб свой. Темже мы возлюбим воздержание, да не вне рая возрыдаим, якоже он, но в него внидем.

Слава, иный, глас 4.

Подобен: Вознесыйся:

Ныне время добродетелей явися, и при дверех Судия, не скорбим: но приидите постящся принесем слезы, умиление и милостыню, зовуще: согрешихом паче песка морскаго: но ослаби всем всех Свободителю, да восприимем нетленный венец.

И ныне, Богородичен. Подобен:

Не умолчим никогда Богородице, силы Твоя глаголати недостойнии: аще бо Ты не бы предстояла молящи, кто бы нас избавил от толиких бед, кто же бы сохранил до ныне свободны? Не отступим Владычице, от Тебе: Твоя бо рабы спасаеши присно от всяких лютых.

Таже чтение Богослова в язву града, егоже начало: Что решите чин похваляемый? И творим даяния два.

Песнь 4.

Ирмос: Христос моя Сила, / Бог и Господь, / честная Церковь / боголепно поет взывающи, / от смысла чиста / о Господе празднующи.

Чести сподобихся аз страстный, от Тебе Владыки во Едеме: увы мне, како прельстився, и диаволом позавидевся отвержен бых от лица Твоего?

Мене рыдайте ангельстии чинове, рая доброты, и садов тамошнее благолепие, прельстившагося злополучно, и Бога отвергшагося.

Луже блаженный, садове богосажденнии, рая красото, ныне о мне слезы проливайте, от листов, якоже от очию, обнаженнем и страннем славы Божия.

Слава: Не ктому вижу тебе, ни наслаждаюся пресладкия твоя и божественныя светлости, всечестный раю: наг бо повергохся в землю, прогневая Сотворшаго.

Богородичен: Святая Владычице, отверзшая рая врата всем верным, яже Адам заключи преступлением иногда, врата милости мне отверзи.

Катавасия: Христос моя Сила, / Бог и Господь, / честная Церковь / боголепно поет зывающи, / от смысла чиста / о Господе празднующи.

Песнь 5.

Ирмос: Божиим светом Твоим, Блаже, / утреннюющих Ти души / любовью озари, молюся, / Тя ведети, Слове Божий, / Истиннаго Бога, / от мрака греховнаго зывающа.

Позавидев древле мне враг, в раи благополучна жития человеконенавистник, в видении змия мне запят, и славы присносущныя странна мя показа.

Рыдаю и плачу душею, и очесем ищу множества слез прилагати, егда воззрю и познаю мою наготу, юже имех от преступления.

Слава: От земли создан бых рукою Божию, паки же возвратится в землю аз страстный слышах: кто мене не восплачет, отриновеннаго от Бога, и Едемом ад изменившаго?

Богородичен: Чертог славы Тя тайный вси возвещаем вернии, Богородительнице Всенепорочная. Темже молю Тя Чистая: испадшаго мя чертога райска, свойственна сотвори.

Катавасия: Божиим светом Твоим, Блаже, / утреннюющих Ти души / любовью озари, молюся, / Тя ведети, Слове Божий, / Истиннаго Бога, / от мрака греховнаго зывающа.

Песнь 6.

Ирмос: Житейское море, воздвигаемое зря / напастей бурю, / к тихому пристанищу Твоему притек, воию Ти: / возведи от тли живот мой, / Многомилостиве.

Одежду мя облекл еси боготканною Спасе, во Едеме, яко благоутробен: аз же Твою преступих заповедь, веровав льстивому, и наг видехся окаянный.

Душе всестрастная моя, удалилася еси от Бога, невниманием твоим райскаго лишилася еси наслаждения, от ангел разлучилася еси, во тлю ввелася еси: о падения!

Слава: Помилуй, ущедри Вседержителю Боже, Твоею рукою творение, не презри мене, молюся, Блаже, отлучившаго себе самага от лика ангел Твоих.

Богородичен: Марие Богозванная, Госпоже всяческих, яко рождшая Господа Царя всех и Избавителя, пленена мя суща от райския славы, воззови.

Катавасия: Житейское море, воздвигаемое зря / напастей бурюю, / к тихому пристанищу Твоему притек, вопию Ти: / возведи от тли живот мой, / Многомилостиве.

Кондак, глас 6:

Премудрости наставниче, смысла подателю, немудрых наказателю, и нищих защитителю, утверди, вразуми сердце мое Владыко: Ты даждь ми слово, Отчее Слово, се бо устне мои не возбраню, во еже звати Тебе: Милостиве, помилуй мя падшаго.

Икос: Седе Адам тогда и плакася, прямо сладости рая, рукама бия лице, и глаголаше: Милостиве, помилуй мя падшаго. **Видев** Адам ангела изринувша, и затворивша божественнаго сада дверь, воздохнув вельми, и глагола: Милостиве, помилуй мя падшаго. **Споболи** раю стяжателю обнищавшему, и шумом твоих листьев умоли Содетеля, да не затворит тя: Милостиве, помилуй мя падшаго. **Раю** вседобродетельный, всесвятой, всебогатый, Адама ради насажденный, и ради Евы заключенный, умоли Бога о падшем: Милостиве, помилуй мя падшаго.

Синаксарь.

Стихи: Мир с родоначальники горько да восплачет: **С**недию сладкою падший с падшими.

В сей день воспоминание творим от райския пищи испадения первозданнаго Адама, еже божественнии святии отцы наши прежде святых Четырдесятницы вчиниша: якоже теми показующе вещьми, елика постная лечьба человеческому естеству полезная, и елико паки еже от лакомства и непослушания гнусно. Оставльше убо отцы, яже по части в мире, сими бывшая повествовати безчисленна суща, первозданнаго Адама предлагают, елико зло пострада, от еже ни в мале поститися, отонуду и нашему приведе естеству, яве предпоказующе. И якоже первое в человецех Божие заповедание поста доброе, еже не сохранив он: но чреву покорься, паче же прелестнику змию Евою, не токмо бог не бысть, но и смерть привлече, и пагубу всему роду подаде. Пищи убо ради перваго Адама, Господь дней постися четырдесятъ, и послушлив бысть: егоже ради и настоящая святая Четырдесятница святыми апостолами умыслися, да еже не сохранив он пострада, погубив нетление, сохранивше мы восприимем постом. Инако же, якоже и предрекохом, намерение святых сие есть, да яже из начала даже до конца дела бывшая Богом, вкратце обымут. Елма же всех по нам виновно преступление и от пищи испадение Адамово: по сему слову сие ныне предлагают, память нам творящим, онаго да убежим, паче же невоздержанию во всем да не ревнуем. В шестый убо день Адам создася рукою Божию, почтен быв и образом, вдуновлением. И взял заповедь, абие даже до шестаго часа в рай поживе: таже преступив сию, отгуду изгнася. Евреин убо Филон сто, рече, лет Адаму в рай сотворити: друзии же, седмь дней или лет глаголют, чести ради седмаго числа. И яко в шестый час руце простер, и плода коснуса: яви и Новый Адам Христос, в шестый час и день длани

простер на Кресте, онаго исцеляя пагубу. Посреде же тли и нетления создан бысть, да еже избрет произволением, оно и притяжет. Бе же убо мощно Богу и безгрешна сего сотворити: но да будет и того произволение исправление. Сего ради закон дает, всех убо касатися садов, сего же ни: негли от всех созданий Божественныя силы бываемое познание помышляти: а еже о естестве Божии, никакоже. Еже убо и Богослов Григорий, любопремудрствуяй, древесем быти, мысли Божественней: садом же, Боговидению. Сиречь, повеле [глаголет] Бог Адаму о всех убо иных стихиах и качествах пецися, и помышляти умом, и прославляти Бога оттуду: сия бо истинно пища, негли же и о Своем естестве, о Бозе убо, Кто же естеством, и Господе, и како все от не сущаго приведе, никакоже искати. Он же другая убо оставль, яже о Бозе наипаче испытуяй бяше, и Онаго естество опасне изведовай: яко убо еще несовершен сый, и препрост, и младенец, в сицевая испаде, сатане Евою мечтание ему вложившу обожения. Великий же и божественный Златоуст, сугубу некую силу древу оному имети глаголет: и на земли глаголет раю быти, и умну ему, и чувственну любопремудрствует, якоже бе Адам: и ова посреде тли и нетления: вкупе и писание соблюдая: и ниже паки пребываяй при писмени. Глаголют же нецыи, древу оному преслушания быти смоковнице: зане познавше абие наготу, листвие оныя употребивше покрывшася. Сего ради Христос, яко вину бывшу сию преслушания, прокля: имать бо некое и ко греху уподобление. Первое убо, еже улаждающее таже еже от листвия жестокое, и прилепляющее млеко. Суть же, иже и древо оно со Евою Адама беседу и разум, умыслиша не добре. Преступив убо и смертною облекся плотию, и клятву взем изгнан бысть рай: и пламенному оружию сего врата повелено бысть хранити. Сей же прямо сидя плакаше, коликих благ лишился, за еже не поститися ко времени: и из онаго весь род оному равных приобщися, дондеже Создавый нас, наше помиловав естество, погибаемое сатаною, от Девы Святыя рождся и изрядне пожив, путь нам показав, сопротивными оному, рекше, постом и смирением, и победив хитро нас прельстившаго, и паки в древнее достояние приведе. Вся убо сия богоноснии отцы представи хотяще, всею Триодию прежде убо ветхая предлагают: ихже первое создание: и от пищи испадение Адамово, егоже ныне память творим: таже и прочими Моисейскими и пророческими, и вящши Давидскими словесы, и некая тогда от благодати прилагающе. Таже по чину и яже Новаго Завета: ихже первое есть Благовещение, смотрением Божиим неизглаголаным во святей Четырдесятнице присно обретаемо: Лазарем же и цветоносием, и святою Великою седмицею священным прочитаемым Евангелием: самым же святым и спасительным страstem Христовым по тонку певаемым. Таже и Воскресением, и прочими даже и до сошествия Святаго Духа священным Деянием прочитаемым, како проповедь бысть, и святых всех собра: Деяния бо Воскресение известуют чудес ради. Понеже убо за еже ни единою Адаму поститися, толика пострадахом, предлагается ныне сего воспоминание, во входе святыя Четырдесятницы: да поминающе елико зло, еже не поститися введе, потщимся пост радостне подъяти и сохранить. Якоже убо егоже погреша Адам [сиречь обожения], мы тем получим, рыдающе и постящеся и смиряющеся, дондеже нас Бог посетит: сих бо кроме неудобь прияти еже

погубихом. Ведомо же буди, яко десятина есть, сия святая и великая Четырдесятница, всего лета. Понеже бо от лености присно поститися, и от злых упразднитися не хоцем, яко некую жатву душам сию апостоли, и божественнии отцы предаша: яко елика убо всем летом безместная содеяхом: ныне сокрушаеми, и постом смиряеми очистим: юже и хранити должны есмы опаснейше. Но убо и прочия три святых апостол глаголю, Богородицы, и Рождества Христова: к четырем бо лета временем, и Четырдесятницу божественнии апостоли издаша, сию вящше почетше святых ради страстей, и яко Христос сию постися и прославися. И Моисей четыредесять дней постився закон прият: и Илиа сам: и Даниил, и елицы искуснии у Бога. И яко добро есть пост, показывает от сопротивнаго Адам. За сию убо вину Адамово изгнание zde святыми отцы умыслися. Неизреченным Твоим благоутробием Христе Боже наш, пищи райския нас сподоби, и помилуй, яко един Человеколюбец, аминь.

Песнь 7.

Ирмос: Росодательну убо пещь содела ангел / преподобным отроком, / халдеи же опаляющее веление Божие, / мучителя увеща вопити: / благословен еси, Боже отец наших.

Владычествуяй всеми веки Господи, создавый мя волею Твоею, завидена мя льстивым змием иногда, и Тебе прогневавшего Спасе, не презри Боже, но воззови мя.

Студными одеян одеждми, увы мне, вместо одеяния светозарнаго, плачу моя погибели, Спасе, и верою вопию Ти Благий: не презри Боже, но воззови мя.

Слава: Уязви змий вселукавый всю мою душу лукавно, райския же сладости изгнана сотвори: но о благосерде Спасе, не презри яко Бог, но воззови мя.

Богородичен: Молебное мое моление Всенепорочная приими милостию Твоею, и прощение прегрешений даждь ми Чистая, рыданьми вопиющему прилежно: не презри Благая, но воззови мя.

Катавасия: Росодательну убо пещь содела ангел / преподобным отроком, / халдеи же опаляющее веление Божие, / мучителя увеща вопити: / благословен еси, Боже отец наших.

Песнь 8.

Ирмос: Из пламене преподобным росу источил еси, / и праведнаго жертву водою попалил еси: / вся бо твориши, Христе, токмо еже хотети. / Тя превозносим во вся веки.

Дарми многообразными древле, почел еси руку Твоею дело, едине Человеколюбче: змий же лютый свистанием прельсти, увы мне, настоящих благ обнажив.

Вскую совета горькаго послушала еси, и Божественнаго повеления была еси преслушна? Увы мне смиренная душе, Бога оскорбившая: Егоже присно славити учинена еси со ангелы!

Благословим Отца, и Сына, и Святаго Духа, Господа.

Гадом и зверем владычица бывши, гаду душетленному како собеседовала еси, советника приимши яко праваго, льстиваго? О твоего прельщения, душе моя всестрастная!

Богородичен: Светоносное селение Тя Божия воплощения, воспеваем Марие Богоблагодатная: темже мя люте омраченна страстьми, просвети светом милости, надежде ненадежных.

Хвалим, благословим, покланяемся Господеви:

Катавасия: Из пламене преподобным росу источил еси, / и праведнаго жертву водою попалил еси: / вся бо твориши, Христе, токмо еже хотети. / Тя превозносим во вся веки.

Песнь 9.

Ирмос: Бога человеком невозможно видети, / на Негоже не смеют чини ангельстии взирати: / Тобою же Всечистая, явися человеком / Слово воплощено, / Егоже величающе, / с небесными вои Тя ублажаем.

Сладок вкус плод разума во Едеме яви ми ся насыщемуся снеди, в желчь же бысть конец его. Увы мне душе страстная, како невоздержание тя райскаго ядения странна сотвори?

Боже всех, милости Господи, на мое смирение благоутробне призри, и не далече послы мя Божественнаго Едема, яко да зря доброты, отонудуже испадох, потщуся паки рыданьми воспряти яже погубих.

Рыдаю, стеню и плачу, херувимы с пламенным оружием зря, Едема вход стрещи повеленныя, всем претупником, увы! неприступный, аще не Ты невозбранен Спасе той сотвориши ми.

Слава: Дерзаю множеству милости Твоя Христе Спасе, и Божественных ребр Твоих крови, еюже освятил еси естество человеческое, отверзл же еси врата Тебе служащим райская Блаже, прежде заключеная Адаму.

Богородичен: Жизни двере непроходимая, умная, Дево Богородице Безневестная, райская врата заключеная ми прежде отверзи Твоими молитвами, яко да славлю Тя по Бозе мою помощницу, и державное прибежище.

Катавасия: Бога человеком невозможно видети, / на Негоже не смеют чини ангельстии взирати: / Тобою же Всечистая, явися человеком / Слово воплощено, / Егоже величающе, / с небесными вои Тя ублажаем.

Ексапостиларий воскресный.

Слава, настоящий.

Подобен: Жены услышите:

Заповедь Твою, Господи, преслушав окаянный, и обнажен Твоея славы, студа исполнихся, увы мне! и сладости изриновен есмь райския благоутробне. Милостиве, помилуй лишившася праведно благодости Твоея.

И ныне, иный.

Подобен: Со ученики идем:

Изгнана бывша Господи рая первее снедию древа, ввел еси паки Крестом и страстию Твоею Спасе и Боже мой, имже нас утверди пост совершити чистолепно, и Божественному востанию поклонитися, Пасце спасительней, Тя рождшия молитвами.

На хвалитех стихиры Осмогласника воскресны 4, и анатолиев един, и Триоди сия самогласны.

Глас 5: Увы мне, Адам рыданием возопи, / яко змий и жена Божественнаго дерзновения изринуша мя: / и райския сладости, древа снеть отчужди. / Увы мне, не терплю прочее поношения: / иногда царь сый земных всех созданий Божиих, / ныне пленник явихся от единого беззаконнаго совета: / и иногда славою безсмертия облечен сый, / умерщвления кожу яко смертный окаянно обношу. / Увы мне, кого рыданий содейственника сотворю? / Но Ты Человеколюбче, от земли создавый мя, / во благоутробие оболкийся, / работы вражия свободы, и спаси мя.

Глас 5: Стих: Исповеся Тебе Господи всем сердцем моим, повеи вса чюдеса Твоа.

Поприще добродетелей отверзеся, / хотящии страдальчествовати внидите, / препоясавшеся добрым поста подвигом: / законно бо страдальчествоующии, праведно венчаются. / И восприимше всеоружие Креста, / врагу сопротивимся, / яко стену нерушимую имуще веру, / и яко щит молитву, и шлем милостыню, / вместо меча пост, иже отсекает от сердца всю злобу. / Творяй сия, истинный примет венец от Всецаря Христа / в день судный.

Глас 6. Стих: Возвеселися и возрадоуся ѿ тебе, пою имени твоему, вышній..

Адам из рая отгонится, / пици причастився, яко преслушник: / Моисей Боговидец бысть, / постом очи душевныя очистив. / Темже рая жителие быти возжелевше, / изменимся от неполезныя пици, / и Бога зрети желающе, / Моисейскую четверицу десятиц постимся, / молитвою и молением чисто терпяще: / утолим душевныя страсти, / отженем плотския сласти, / легцы к горнему шествию преидем, / идеже ангельстии лица немолчными гласы / нераздельную воспевают Троицу, / зрети недоуменную доброту и Владычню. / Тамо сподоби нас Сыне Божий / Жизнодавче на Тя надеющихся, / ликовати со ангельскими воинствы, / рождшия Тя Матере Христе молитвами, / и апостол, и мученик, / и преподобных.

Стих: Воскреси Господи Боже мой, да вознесется рука Твоя, не забуди
збогих Твоих до конца.

Приспе время, духовных подвигов начало, на демоны победа, всеоружное
воздержание, ангельское благолепие, к Богу дерзновение: тем бо Моисей бысть
Зиждителю собеседник, и глас невидимо в слух прият. Господи, тем сподоби и
нас поклониться Твоим страстем, и святому Воскреснию, яко Человеколюбец.

Слава, тойже. И ныне: Преблагословена еси Богородице Дево:

Славословие великое. И обычная лития в паперти, в нейже поем, Слава, и
ныне: стихиру евангельскую. Совокупляем же и час 1-й. И чтутся оглашения
преподобнаго отца нашего Феодора Студита, и отпуст.

НА ЛИТУРГИИ

Изобразительная. Блаженны гласа на 6, и канона триоди песнь 6-я, : 4.

1. Одежду мя облекл еси боготканною Спасе, во Едеме, яко благоутробен: аз же Твою преступих заповедь, веровав льстивому, и наг видехся окаянный.
2. Душе всестрастная моя, удалилася еси от Бога, невниманием твоим райскаго лишилася еси наслаждения, от ангел разлучилася еси, во тлю ввелася еси: о падения!.
3. **Слава:** Помилуй, ущедри Вседержителю Боже, Твоею руку творение, не презри мене, молюся, Блаже, отлучившаго себе самаго от лика ангел Твоих.
4. **Богородичен:** Марие Богозванная, Госпоже всяческих, яко рождшая Господа Царя всех и Избавителя, пленена мя суца от райския славы, воззови.

Прокимен, глас 8:

Прокимен: Помолитесь, и воздадите Господеву * Богу нашему.

Стих: Ведом во Иудеи Бог, во Израили велие имя Его.

Апостол к Римляном, зачало 112. [Рим. 13, 11 – 14, 4.]

Братне: вѣдѣще время, ѿкѡ часъ оуже намъ ѿ сна востати. **Нѣ** во ближайшее намъ спсене, нежели егда вѣровахомъ. **Н**ощь оубо прейде, а день приближиса: ѿложимъ оубо дѣла темна, и ѡвлечемса во ѡрбже свѣта. **ѿ**кѡ во дни, благообразно да ходимъ, не козлогласовани и пїанствы, не любодѣлни и стѣдодѣлни, не рвенїемъ и завистїю: но ѡблецытеса гдѣмъ нашимъ иисъ хрїтомъ, и плоти оугодїа не творите въ похоти. **И**знемогающаго же въ вѣрѣ прїемите, не въ сомнѣнїе помышенїи. **О**въ во вѣржетъ їасти всѧ, а изнемогаий сѣла да їастъ. **ѿ**дыи не їадѣцагѡ да не оукарѣтъ: и не їадый їадѣцагѡ да не ѡсѡждѣтъ: вѣ въ егѡ прїлтъ. **Т**ы ктѡ еси сѡдѣй чѡждемѡ рабѡ; Своимѡ гдѣви стоитъ, или падаетъ. **С**танетъ же, силенъ во етъ вѣ поставити егѡ.

Аллилуиа, глас 6: Благо есть исповедатися Господеву, и пети имени Твоему Вышний.

Евангелие от Матфея, зачало 17. [Мф. 6, 14 – 21.]

Рече Господь Своими учеником: **А**ще бо ѿпѣщаете чловѣкѡмъ согрѣшѣнїа ихъ, ѿпѣститъ и вамъ оцъ вашъ нѣбный: аще ли не ѿпѣщаете чловѣкѡмъ согрѣшѣнїа ихъ, ни оцъ вашъ ѿпѣститъ вамъ согрѣшѣнїй вашихъ. егда же поститѣся, не вѣдите якоже лицемѣри сѣтѹюще: помрачаютъ во лица своа, яко да явѣтса чловѣкѡмъ постѣсѣса. **А**минь глаю вамъ, яко воспрїемлютъ мздѹ свою. **Т**ы же постѣсѣ помѣжи главѹ твою, и лице твоє оумый, яко да не явишисѣ чловѣкѡмъ постѣсѣса, но оцѹ твоємѹ, иже въ тайнѣ: и оцъ твой, видѣи въ тайнѣ, воздастъ тебѣ явѣ. **Н**е скрываете себѣ сокровищъ на земли, и дѣже червь и тлѣ тлѣтъ, и и дѣже тѣтѣе подкѡпываютъ и крадѹтъ: скрываете же себѣ сокровище на нѣси, и дѣже ни червь, ни тлѣ тлѣтъ, и и дѣже тѣтѣе не подкѡпываютъ, ни крадѹтъ: и дѣже во ѣсть сокровище ваше, тѣ вѣдетъ и сердце ваше.

И Божественная Литургия Златоустаго:

Киноник: Хвалите Господа с Небес:

Подобает ведати, яко от сея Недели даже до Воздвижения Честнаго Креста, упражняется полиелей: поется же токмо во бдениих Владычных праздников и великих святых.

В ТУЮЖДЕ НЕДЕЛЮ СЫРНУЮ ВЕЧЕРА,

По Начальном Псалме: На Господи Возвах Поставим Стихов И От Изведи Из Темницы: И Поем Стихиры 4 Покаянны, Октоиха На Ряду Гласа, Яже Суть Писаны Две Вечер На Стиховне, И Две Утренних Стиховных: [Такожде И В Прочия Недели, От Сея Даже До Пятыя Святаго Поста. Господи Возвах: Поем На Глас Иже Во Осмогласнике На Ряду] И В Триоди 3, И В Минеи 3.

Творение господина иосифа.

Стихиры, глас 2. Подобен: егда от древа:

Воздержанием тело смирити вси потщимся, / божественное преходяще поприще непорочнаго поста / и молитвами и слезами господа / спасающаго нас възыщем, / и забвение злобы всеконечное сотворим, вопиюще: / согрешихом ти, спаси, / якоже древле ниневитяны христе царю, / и общники ны сотвори / небеснаго царствия благоутробне.

Себе отчаяваю, помышляя дела моя господи, / всякаго мучения достойная: / се бо презрев честныя твоя спасе заповеди, / блудно мое житие иждих. / темже молюся, тучами покаяния мя очистив, / постом и молением / яко един милостивый просвети, / и не гнушайся мене / благодетелю всех, и преблагий.

Ин господина феодора, глас тойже.

Подобен: Паче ума даров:

Постное время светло начнем, / к подвигом духовным себе подложивше, / очистим душу, очистим плоть, / постимся якоже в снадех от всякия страсти, / добродетельми наслаждающиеся духа: / в нихже совершающиеся любовию, / да сподобимся вси видети всечестную страсть / христа бога и святую пасху, / духовно радующиеся.

Таже в минеи святому, подобны 3. Аще ли имать самогласен:

Слава, аще ли несть, Слава, и ныне, богородичен, в тойже глас минеи.

Вход с кадильницею: Свете тихий:

Прокимен глас 8ми: Не отврати лица твоего от отрока твоего, яко скорблю, скоро услыши мя: * вонми души моей, и избави ю.

Стих: Спасение твое боже да примет мя.

Стих: Да узрят нищии, и возвеселятся.

Стих: Възыщите бога, и жива будет душа ваша.

И паки высочайшим гласом: Не отврати лица твоего от отрока твоего, яко скорблю, скоро услыши мя

И паки: Вонми души моей, и избави ю.

Подобает ведати, яко во всех неделях святых четыредесятницы во светильничное бывает вход, ради великих прокименов.

Сподоби господи: Поклоны 3: и ектенна.

На стиховне самогласен глас 4:

Возсия благодать твоя господи, / возсия просвещение душ наших. / се время благоприятное, / се время покаяния, / отложим дела тьмы, / и облечемся во оружия света: / яко да преплывше поста великую пучину, / в тридневное воскресение достигнем, / господи и спаса нашего иисуса христа, / спасающего души наша.

Стих: К Тебе возведох очи моя, Живущему на Небеси. Се яко очи раб в руку господий своих, яко очи рабыни в руку госпожи своея: * тако очи наши ко Господу Богу нашему, дондеже ущедрит ны.

Возсия благодать твоя господи, / возсия просвещение душ наших. / се время благоприятное, / се время покаяния, / отложим дела тьмы, / и облечемся во оружия света: / яко да преплывше поста великую пучину, / в тридневное воскресение достигнем, / господи и спаса нашего иисуса христа, / спасающего души наша.

Таже стих: Помилуй нас, Господи, помилуй нас, яко по многу исполнихомся уничижения: * наипаче наполнися душа наша поношения гобзующих, и уничижения гордых.

И мученичен: Прославляемый / в памятех святых твоих / христе боже, / от них умоляемь, / низпосли нам велию милость.

Слава, самогласен в минеи, аще имать:

И ныне, богородичен по гласу минеи.

Аще ли не имать, Слава, и ныне, богородичен, глас тойже.

Подобен: Яко добля:

Ангельстии чини тя богомати прославляют: / бога бо всечистая родила еси, / отцу, и духа соприсносушна, / и ангельская воинства / от не сущаго хотением поставивша. / егоже моли от тли спасти и просветити / души православных, / тя воспевающих всечистая.

Ныне отпускаеши:

Трисвятное: поклоны три.

Пресвятая троице: Отче наш:

И настоящая тропари, глас 4:

Богородице дево радуйся: И творим поклон един.

Слава:

Крестителю Христов, / всех нас помяни, / да избавимся от беззаконий наших: / тебе бо дадеся благодать / молитися за ны.: **И творим поклон един.**

И ныне:

Молите за ны святии Апостоли, / святии вси, / да избавимся от бед и скорбей: / вас бо теплыя предстатели / ко Спасу стяжахом. **И творим поклон един.**

Таже: Под Твое благоутробие прибегаем Богородице, / моления наша не презри во обстоянии: / но от бед избави ны, / Едина Чистая, / Едина Благословенная. **Без поклона.**

Господи помилуй, 40 кротким и тихим гласом.

Слава, и ныне: Честнейшую херувим:

Именем господним благослови отче.

Священник: Сый благословен христос бог наш всегда, ныне и присно и во веки веков.

Мы же: Аминь.

И молитву: Небесный Царю, / веру утверди, / языки укроти, / мир умири, / святой храм сей добре сохрани, / прежде отшедшия отцы и братию нашу / в селениях праведных учини, / и нас в покаянии и исповедании приими, / яко Благий и Человеколюбец.

И творим три поклоны великия, и глаголем молитву преподонаго ефрема сирина:

Господи и владыко живота моего, дух праздности уныния, любоначалия, и празднословия не даждь ми.

Дух же целомудрия, смиренномудрия, терпения, и любве, даруй ми рабу твоему.

Ей господи царю, даруй ми зрети моя прегрешения, и не осуждати брата моего, яко благословен еси во веки веков, аминь.

И целуем святые и честные иконы.

И глаголет предстоятель: Слава тебе христе боже, упование наше, слава тебе.

И бывает молитва от священника, и совершенный отпуст.

По вечерни же в трапезе бывает утешение братии.

По востании же от трапезы, повечерие поем малое по обычаю, с метаниями и поклоны постными. На Слава в вышних, метания 3. [Аще было бдение, канон

богородице не глаголется.] Достойно есть:

Трисвятое. метания 3, и обычные тропари.

Господи помилуй, 40.

Иже на всякое время: иерей:

Боже ущедри ны:

Поклоны 3 великия, с молитвою святаго ефрема:

господи и владыко: И прочих 2_и.

Таже, Трисвятое. По отче наш: господи помилуй, 2_и и молитва,

Нескверная:

И даждь нам:

И отпуст.

И имже образом указася служба вечерни и повечерия сея недели, сие да бывает и в прочия, даже до пятыя недели святыя четыредесятницы, изменяемым некоим, о нихже на своих им местех будет.

Подобает ведати, яко аще будет брату нашему отити ко господу во святых сих днех посреде седмицы: не бывают третины его, даже до пятка вечера, тогда бо совершается паннихида его: подобне и в субботу литургия его. Во грядущую же субботу бывают девятины его, аще случится, аще ли ни. Четыредесятины же его бывают, егда число дней его исполнится: приношения же, и памяти его начинаются от новыя недели, даже до исполнения дней четыредесяти.